


Oz è il Di mundial dal cudesch



AVRIGL

Il Di mundial dal cudesch

«Igl era ina giada ina classa cun 20 uffants. Ils 23 d'avrigl è stà per els in di tut spezial. Els han durmì fin mezdi e pir la saira han els pachetà en il turnister ina marena, in satg da durmir, ina glisch da giaglioffa ed in cudesch. Cun quella chargia èn els ids en biblioteca. Là han els legì tutta notg – e quels che na savevan anc betg leger sezs, han tadlà co ch'ils auters han prelegì, fin ch'els èn sa durmentads. Forsa han els siemià da las istorgias ch'els han legì ed udì.» Durmir en biblioteca u en scola e tadlar e leger l'entira notg – quai fan ins propi qua e là il Di mundial dal cudesch.

Inventà il Di mundial dal cudesch ha l'onn 1995 l'UNESCO – l'organisaziun

che vul cunzunt che tut ils umans possian ir a scola ed emprender. Cudeschs gidan ad emprender linguas ed els ans raquintan er istorgias dad auters lieus. Dapli ch'ins sa ed emprenda dad auters e damain dispita e guerra ch'i dat. Perquai ha l'UNESCO declerà ils 23 d'avrigl sco Di mundial dal cudesch. Pertge gist ils 23 d'avrigl? Quai ha da far cun ina tradiziun da la Catalugna, nua ch'ins festivescha quella data il di dal num da son Gieri. Quel di regala la glied ina a l'autra rosas e cudeschs.

Has ti in cudesch preferì?

Va puspè ina giada en biblioteca.

Baratta in cudesch cun in'amia.

Pertge legian ins cudeschs?


Tge cudeschs (rumantschs) has ti?

Tge cudesch regalassas ti ad in'amia u ad in ami?

Guardas ti gugent cudeschs da maletgs?

Brutus sco segnapaginas

- 1 Colurescha la figura.
- 2 Taglia ora la furma e fauda per lung da la lingia cun stritgins.
- 3 Colla ensemen il segnapaginas.




colurs

cola

forsch

Lupo sco segnapaginas

- 1 Colurescha la figura.
- 2 Taglia ora la furma e fauda per lung da la lingia cun stritgins.
- 3 Colla ensemen il segnapaginas.



colurs

cola

forsch

text: Chartrina Josty, illustraziun: Yvonne Gièni,
grafica: Theres Jäger
© Lia Rumantscha

KIDSFITSCH
Lia Rumantscha

Schweizerische Eidgenossenschaft
Confédération suisse
Confederazione Svizzera
Confederaziun svizra



Uffiz federal da cultura UFC